



REPUBLIKA E SHQIPËRISË  
UNIVERSITETI I TIRANËS  
SENATI AKADEMIK

Nr. 830 Prot.

Tiranë, më 31.3. 2021

V E N D I M


Nr. 02, datë 30.03.2021

**“Për miratimin e Rregullores “Për hetimin administrativ të sinjalizimit, të kërkesës së sinjalizuesit për mbrojtjen nga hakmarrja dhe mbrojtjen e konfidencialitetit, në Universitetin e Tiranës”**

Bazuar në ligjin Nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, neni 38, pika 1, germa “d” dhe neni 103; në Statutin e Universitetit të Tiranës, neni 31, germat “b” dhe “ë” dhe në nenin 138, pika 3; Senati Akademik i Universitetit të Tiranës në mbledhjen e datës 30.03.2021,

**VENDOSI:**

1. Të miratojë Rregulloren “Për hetimin administrativ të sinjalizimit, të kërkesës së sinjalizuesit për mbrojtjen nga hakmarrja dhe mbrojtjen e konfidencialitetit, në Universitetin e Tiranës”, e cila i bashkëngjetet këtij vendimi.
2. Vendimi i përcillet për zbatim të gjitha njësive përbërëse të Universitetit të Tiranës.
3. Ky vendim hyn në fuqi menjëherë.





---

REPUBLIKA E SHQIPËRISË  
UNIVERSITETI I TIRANËS  
SENATI AKADEMIK

## RREGULLORE

**“PËR HETIMIN ADMINISTRATIV TË SINJALIZIMIT, TË KËRKESËS SË  
SINJALIZUESIT PËR MBROJTJEN NGA HAKMARRJA DHE  
MBROJTJEN E KONFIDENCIALITETIT, NË UNIVERSITETIN E  
TIRANËS”**

Miratuar me Vendimin nr.\_\_\_\_\_, datë \_\_\_\_\_.2021

Tiranë

## RREGULLA TË PËRGJITHSHME

### Neni 1 Baza ligjore

Rregullorja “Për hetimin administrativ të sinjalizimit, të kërkesës së sinjalizuesit për mbrojtjen nga hakmarrja dhe mbrojtjen e konfidencialitetit, në Universitetin e Tiranës”, bazohet në Ligjin nr. 60/2016, “Për sinjalizimin dhe mbrojtjen e sinjalizuesve”, urdhreve dhe udhëzimeve të nxjerra për këtë qëllim nga Inspektorati i Lartë i Deklarimit dhe Kontrollit të Pasurive dhe Konfliktit të Interesave (më poshtë ILDKPKI); Ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” dhe aktet nënligjore në fuqi për zbatimin e tij, si edhe në Ligjin nr. 44/2015 “Kodi i Procedurave Administrative”.

### Neni 2 Objekti

Objekti i kësaj rregulloreje, në zbatim të legjislacionit në fuqi për sinjalizimin dhe mbrojtjen e sinjalizuesve, është përcaktimi i rregullave për procedurën e shqyrtimit të hetimit administrativ të sinjalizimit; përcaktimi i mënyrës dhe procedurës së hetimit administrativ të kërkesës së sinjalizuesit për mbrojtjen nga hakmarrja si dhe përcaktimi i mekanizmave të mbrojtjes së konfidencialitetit në Universitetin e Tiranës dhe të gjitha njësitë përgjegjëse të ngritura brenda tij, sipas nenit 5 të kësaj Rregulloreje.

### Neni 3 Përkufizime

Në këtë Rregullore termat e mëposhtëm kanë këto kuptime:

**1. “Autoritet publik”** ka të njëjtin kuptim me atë të dhënë në ligjin për të drejtën e informimit<sup>1</sup>.

**2.“Universiteti i Tiranës”** është institucion i arsimit të lartë publik, i themeluar me Vendim të Këshillit të Ministrave të Republikës së Shqipërisë, nr. 207, datë 30.05.1957, me emrin “Universiteti Shtetëror i Tiranës”, i përbërë nga Fakultetet e Drejtësisë, Ekonomisë, Shkencave të Natyrës, Shkencave Sociale, Gjuhëve të Huaja, Historisë dhe Filologjisë, si edhe Instituti i Fizikës Bërrthamore të Zbatuar, Instituti i Studimeve Evropiane dhe Filiali i UT, në Sarandë.

**3.“Organizatë”** është autoriteti publik, në këtë rast Universiteti i Tiranës.

<sup>1</sup> Neni 2, pika 1/ a e tij, parashikon se: “Çdo organ administrativ i parashikuar në legjislacionin në fuqi për procedurat administrative, organet ligjvënëse, gjyqësore dhe ato të prokurorisë së çdo nivel, organet e njësive të qeverisjes vendore të çdo nivel, organet shtetërore dhe entet publike, të krijuara me Kushtetutë ose me ligj.”

**4.“Njësia përgjegjëse”** është organi i posaçëm, i caktuar brenda autoritetit publik, i përbërë nga një ose më shumë punonjës të organizatës, i ngarkuar me detyrën e shqyrtimit të hetimit administrativ të sinjalizimit dhe shqyrtimin e kërkesës për mbrojtjen e sinjalizuesit, sipas përcaktimeve të ligjit.

**5.“Sinjalizim”** është raportimi i informacionit nga ana e sinjalizuesit tek njësia përgjegjëse ose UT-ja për veprime apo praktika të dyshuara korruzioni, të kryera në vendin e tij të punës në autoritetin publik.

**6.“Sinjalizues”** është individi, i cili aplikon ose është në marrëdhënie pune, ose ka punuar më pare pranë autoritetit publik, pavarësisht nga natyra e marrëdhënies së punës ose kohëzgjatjes së saj, si dhe nëse paguhet ose jo, që sinjalizon një veprim ose praktikë të dyshuar korruzioni.

**7. “I sinjalizuar”** janë një ose më shumë persona, ndaj të cilëve bëhet një sinjalizim, sipas ligjit, në lidhje me një veprim ose praktikë të dyshuar korruzioni.

**8. “Veprim ose praktikë e dyshuar korruzioni”** është një veprim ose mosveprim, fakte ose rrethana të kryera në një organizatë, për të cilat sinjalizuesi dyshon në mirëbesim, sipas këtij ligji, se mund të përbëjë korruzion.

**9. “Mbrojtje”** është mbrojtja e sinjalizuesit nga hakmarrja, sipas mekanizmit të përcaktuar në Kreun V, të ligjit nr. 60/2016.

**10. “Hakmarrje”** është çdo veprim ose kërcënim, i drejtpërdrejtë ose jo i drejtpërdrejtë, i kryer nga organizata, me natyrë diskriminuese, disiplinore ose që, në një formë tjetër të padrejtë, dëmon ton interesat e ligjshëm të sinjalizuesit dhe që rezulton nga sinjalizimi.

## **PJESA I** **HETIMI ADMINISTRATIV I SINJALIZIMIT DHE MBROJTJA E** **KONFIDENCIALITETIT**

### **KREU I** **VEPRIMTARIA E NJËSISË PËRGJEGJËSE NË UT**

#### **Neni 4** **Parimet e veprimtarisë**

1. Njësia Përgjegjëse për zbatimin e ligjit nr. 60/2016 “Për sinjalizimin dhe mbrojtjen e sinjalizuesve”, bazohet në parimin e:

- ruajtjes së konfidencialitetit të informacionit të sinjalizimit dhe sekretit shtetëror;
- njohjes së identitetit të sinjalizuesit, përvèç rastit kur ligji lejon pranimin e një sinjalizimi anonim;

- c) sinjalizimit vullnetar të një veprimi ose praktike të dyshuar të korrupsionit;
  - d) integritetit dhe paanshmërisë gjatë shqyrtimit të sinjalizimit;
  - e) zbatimit të mekanizmave të efektshëm dhe të përshtatshëm për mbrojtjen e të drejtave dhe interesave legitimë të sinjalizuesit;
  - f) procedurës së hetimit administrativ të sinjalizimit në mënyrë të shpejtë dhe të besueshme.
2. Njësia përgjegjëse për zbatimin e ligjit nr. 60/2016, si strukturë që ndjek në vazhdimësi sinjalizimin e një veprimi ose praktike të dyshuar korrupsioni si dhe mbrojtjen e sinjalizuesve nga hakmarrja në veprimtarinë e saj, mban kontakte të vazhdueshme me ILDKPKI-në.
3. Njësitë përgjegjëse në UT, veprojnë në mënyrë të pavarur dhe jashtë çdo influence tjeter, të padrejtë, që mund të pengojnë realizimin e detyrave të tyre në zbatim të ligjit nr. 60/2016.

### **Neni 5**

#### **Njësitë përgjegjëse në UT**

1. Njësitë përgjegjëse në Universitetin e Tiranës, ngrihen dhe funksionojnë në përputhje me nenin 10, pika 1, të Ligjit 60/2016 dhe VKM nr. 816, datë 16.11.2016, “Për strukturën, kriteret e përzgjedhjes dhe marrëdhëniet e punës së punonjësve të njësisë përgjegjëse në autoritetet publike, në zbatim të ligjit nr. 60/2016 “Për sinjalizimin dhe mbrojtjen e sinjalizuesve”.
2. Në Universitetin e Tiranës ngrihen dhe funksionojnë këto njësi përgjegjëse:
  - a) Njësia Përgjegjëse pranë Rektoratit të UT-së, për:
    - Rektoratin;
    - Institutin e Studimeve Evropiane;
    - Institutin e Fizikës Bërthamore të Zbatuar;
    - Filialin e UT-së, Sarandë.
  - b) Njësia Përgjegjëse e Fakultetit të Gjuhëve të Huaja;
  - c) Njësia Përgjegjëse e Fakultetit të Shkencave të Natyrës;
  - d) Njësia Përgjegjëse e Fakultetit Historisë dhe Filologjisë;
  - e) Njësia Përgjegjëse e Fakultetit të Drejtësisë;
  - f) Njësia Përgjegjëse e Fakultetit Ekonomisë;
  - g) Njësia Përgjegjëse e Fakultetit të Shkencave Sociale.
3. Punonjësit e Njësisë Përgjegjëse largohen nga kjo detyrë me urdhër të titullarit të autoritetit publik, kur:
  - a) japid dorëheqjen me shkrim nga detyra e njësisë përgjegjëse, e cila i dërgohet, njëkohësisht, edhe ILDKPKI-së;
  - b) dënohen me vendim gjyqësor të formës së prerë, për kryerjen e një vepre penale;
  - c) kryejnë shkelje të rëndë të legjislacionit që rregullon sinjalizimin dhe mbrojtjen e sinjalizuesve;
  - d) përfundon marrëdhënien e punës me autoritetin publik.
4. Për çdo ndërprerje të marrëdhënieς së punës ndërmjet autoritetit publik dhe punonjësit të Njësisë Përgjegjëse, informohet menjëherë ILDKPKI-ja. Titullari i autoritetit publik merr masat e

nevojshme që të zëvendësojë menjëherë punonjësin e larguar të Njësisë Përgjegjëse me punonjës të strukturës përkatëse ose, sipas rastit, të strukturave të tjera, duke zbatuar kriteret e përcaktuara në këtë vendim.

## **KREU II PROCEDURAT E VEPRIMIT**

### **Neni 6 Kryerja e veprimeve procedurale**

1. Veprimet procedurale të Njësisë Përgjegjëse, kryhen në përputhje me ligjin nr. 60/2016, këtë Rregullore dhe për aq sa nuk rregullohet në to, sipas Kodit të Procedurave Administrative.

2. Njoftimi për veprimet procedurale, për të cilat Njësia Përgjegjëse cakton afate, duhet të përbajë paralajmërimin e shprehur mbi pasojat e mosrespektimit të afatit.

### **Neni 7 Forma dhe përbajtja e sinjalizimit**

1. Sinjalizimi bëhet me çdo mjet komunikimi, në formë të shkruar ose deklarohet në mënyrë verbale, para punonjësit të caktuar të Njësive Përgjegjëse në UT dhe dokumentohet me shkrim prej këtij të fundit sipas Formularit të Sinjalizimit të Brendshëm.

2. Sinjalizimi të paktën përmban:

- a) të dhënat e identitetit të sinjalizuesit;
- b) të dhënat e kontaktit të sinjalizuesit;
- c) përshkrimin e faktave e të rrëthanave të njohura nga sinjalizuesi për veprimin ose praktikën e dyshuar të korrupsionit, shoqëruar me provat përkatëse, për aq sa është e mundur;
- d) referimin përkatës në Kodin Penal të Republikës së Shqipërisë, për aq sa është e mundur, nga sinjalizuesi, të veprës ose praktikës së dyshuar të korrupsionit;
- e) në rastin e sinjalizimit tek Njësia Përgjegjëse, shkaqet ligjore dhe rrëthanat e faktit, për aq sa është e mundur, nga sinjalizuesi, për përdorimin e mekanizmit të sinjalizimit të jashtëm.

3. Sinjalizuesi mund të zgjedhë të mbetet anonim dhe sinjalizimi pranohet nga Njësia Përgjegjëse si i tillë, vetëm nëse në të janë shprehur qartë dhe janë arsyetur shkaqet e anonimativit dhe të dhënat e sinjalizuar, sigurojnë një bazë të mjaftueshme për të hetuar administrativisht veprimin ose praktikën e dyshuar të korrupsionit.

4. Në rastet kur sinjalizimi nuk është depozituar sipas formës dhe përbajtjes së mësipërme sinjalizuesit i kërkohet me shkrim të korrigojë këto të meta brenda 7 ditëve nga data e marrjes së njoftimit për korrigjim.

**Neni 8**  
**Mosfillimi i hetimit administrativ**

1. Njësia Përgjegjëse ka të drejtë të mos fillojë hetimin administrativ nëse:
  - a) sinjalizimi nuk është depozitar sipas formës dhe përbajtjes së kërkuar dhe sinjalizuesi nuk korrigjon këto të meta brenda 7 ditëve nga data e marrjes së njofimit për korrigjim;
  - b) sinjalizimi përmban fakte dhe rrethana që nuk përfshihen në fushën e zbatimit të ligjit nr. 60/2016, sipas nenit 3, pika 6, të tij;
  - c) kur nga përbajtja e sinjalizimit del haptazi se nuk ka elemente të kundërvajtjes administrative ose të veprës penale.
2. Mosfillimi i hetimit administrativ bëhet me vendim të arsyetuar të Njësisë Përgjegjëse përkatëse.

**Neni 9**  
**Hetimi i drejtpërdrejtë nga ILDKPKI**

1. ILDKPKI-ja heton drejtpërdrejt sinjalizimin për veprimet ose praktikat e dyshuara të korruptionit në organizata, të cilat nuk kanë një njësi përgjegjëse për këtë qëllim.
2. Pavarësisht nga përcaktimi i pikës 1 të këtij neni, sinjalizuesi ka të drejtë të sinjalizojë veprën e dyshuar të korruptionit edhe tek ILDKPKI-ja, sipas Formularit të Sinjalizimit të Jashtëm, në rastet kur:
  - a) njësia përgjegjëse nuk fillon hetimin administrativ ose përfundon hetimin në kundërshtim me nenin 14 të ligjit nr. 60/2016;
  - b) ekziston dyshimi i arsyeshëm se pritësi i sinjalizimit në njësinë përgjegjëse ose persona të lidhur me të janë të përfshirë ose kanë një interes të drejtpërdrejtë ose jo të drejtpërdrejtë, pasuror ose personal, në veprimin ose praktikën e dyshuar të korruptionit. Sipas rastit, personi i lidhur ka të njëjtin kuptim me përcaktimet e bëra në ligjin për tregtarët dhe shoqëritë tregtare ose ligjin për parandalimin e konfliktit të interesave në ushtrimin e funksioneve publike;
  - c) ka arsyë të tjera të bazuara për të dyshuar në integritetin dhe paanshmërinë e njësisë përgjegjëse në shqyrtimin e sinjalizimit;
  - d) prova e sinjalizuesit, në lidhje me veprimin ose praktikën e dyshuar të korruptionit, mund të fshihet ose të shkatërrohet nga organizata.
3. Në rastet e përmendura në pikën 2, të këtij neni, çdo hetim i njësisë përgjegjëse, nëse ka filluar, ndërpritet dhe sinjalizimi hetohet në vijim nga ILDKPKI-ja. Në rast se nuk vërtetohen kushtet e përcaktuara në pikën 2 të këtij neni, Inspektori i Përgjithshëm i ILDKPKI-së me vendim të arsyetuar, e dërgon sinjalizimin për nisjen ose vijimin e hetimit administrativ tek njësia përgjegjëse e organizatës.

## **KREU III HETIMI ADMINISTRATIV**

### **Neni 10 Regjistrimi i sinjalizimit**

1. Sinjalizimet regjistrohen në një regjistër të posaçëm protokolli, i cili është edhe elektronik, për regjistrimin e sinjalizimeve.

2. Njësia Përgjegjëse nuk mund të refuzojë për asnjë shkak regjistrimin e sinjalizimit.

### **Neni 11 Parimet e hetimit administrativ nga Njësia Përgjegjëse**

1. Në kryerjen e hetimit administrativ, Njësia Përgjegjëse vepron:

- a) me ndershmëri, paanshmëri dhe efikasitet, duke pasur parasysh interesat legjitimë të sinjalizuesit;
- b) në mënyrë të pavarur nga pikëpamja politike dhe çdo influencë tjetër e padrejtë që mund të pengojë realizimin e detyrave;
- c) duke shprehur çdo konflikt interesit të mundshëm përpara fillimit të hetimit administrativ;
- d) duke marrë të gjitha masat e përshtatshme për të mbrojtur dokumentacionin dhe provat lidhur me sinjalizimin nga zhdukja, fshehja, ndryshimi, falsifikimi dhe veprime të tjera, të cilat synojnë asgjësimin e tyre;
- e) duke ruajtur konfidencialitetin e informacionit dhe të mbrojë të dhënrat në përmbajtje të çdo sinjalizimi;
- f) duke ruajtur sekretin në përmbajtje të një sinjalizimi, në zbatim të ligjit.

### **Neni 12 Procedura e hetimit administrativ**

1. Njësia Përgjegjëse heton administrativisht sinjalizimin, në përpunje me procedurën e përcaktuar në ligjin nr. 60/2016 dhe në këtë Rregullore. Për aq sa nuk parashikohet ndryshe në këtë ligj dhe Rregullore, njësia zbaton dispozitat e Kodit të Procedurave Administrative.

2. Njësia Përgjegjëse ka të drejtë të kërkojë informacione dhe dokumente, të urdhërojë inspektime ose analiza, të mbledhë deklarata ose të pyesë persona në dijeni mbi rrëthanat e çështjes ose të konsultohet me ekspertë të fushave të ndryshme.

3. Në hetimin administrativ merr pjesë sinjalizuesi dhe çdo person tjetër i tretë, kur dyshohet se posedon dokumente ose ka dijeni për rrëthanat e sinjalizuara, përfshirë dhe të sinjalizuarin, nëse vlerësohet e nevojshme nga Njësia Përgjegjëse.

4. Çdo palë pjesëmarrëse në hetimin administrativ i garantohet një proces i rregullt ligjor, në përputhje me parashikimet në Kodin e Procedurave Administrative, si dhe:

- a) mund të japë deklarata me shkrim, argumente ose opinione;
- b) mund të konsultohet me dosjen e hetimit;
- c) ka të drejtë të dëgjohet në lidhje me pretendimet e tij, etj.

5. Njësia Përgjegjëse njofton sinjalizuesin për çdo masë të marrë në përgjigje të sinjalizimit jo më vonë se 30 ditë nga momenti i kryerjes së veprimit. Pavarësisht nga afati i njoftimit të parashikuar në këtë pikë, Njësia Përgjegjëse është e detyruar t'i përgjigjet brenda 30 ditëve nga marrja e kërkesës për informacion, të paraqitur me shkrim nga sinjalizuesi, në çdo kohë, në lidhje me çështjen e sinjalizuar prej tij.

6. Njësia Përgjegjëse, për aq sa është e mundur, merr masa të menjëherëshme dhe të çastit për të parandaluar ose penguar vazhdimin e pasojave të dëmshme nga veprimi ose praktika e dyshuar e korruptionit të sinjalizuar.

7. Njësia Përgjegjëse, nëse në përfundim të hetimit administrativ i rezulton se, veprimi ose praktika e dyshuar e sinjalizuar përbën ose mund të përbëjë sipas ligjit një shkelje administrative apo penale, vë në dijeni organin kompetent.

### **Neni 13** **Provat në hetimin administrativ**

1. Njësia Përgjegjëse dokumenton çdo veprim që kryen gjatë hetimit administrativ. Dokumentet e nevojshme për hetimin administrativ merren apo pranohen pa pagesë. Çdo shkelje e detyrimit të zyrtarëve apo të organizatave private për dhënie dokumentacioni shkresor apo dokumenti tjetër provues, përbën shkak për fillimin e procedimit ligjor në varësi të shkeljes së konstatuar.

2. Punonjësit e Njësisë Përgjegjëse, kanë të drejtë të këqyrin sende, vende apo dokumentacion me qëllim fiksimin dhe dokumentimin e veprimeve apo të pasojave të veprimtarisë apo praktikës së dyshuar të korruptionit. Dokumentimi mund të bëhet me procesverbale, me mjete të tjera fotografike e filmike apo në çdo mënyrë tjetër.

3. Në raste të veçanta, kur vlerësojnë se ekzistojnë rrethanat për manipulimin apo asgjësimin e dokumenteve shkresore, punonjësit e Njësisë Përgjegjëse bllokojnë dokumentacionin apo mjetet e tjera provuese. Zyrtarët përgjegjës apo personat e tjerë janë të detyruar të mos kryejnë asnje veprim mbi këto dokumente, gjatë gjithë kohës që ato janë të bllokuara. Në çdo rast mbahet një procesverbal, që nënshkruhet nga Njësia Përgjegjëse, zyrtarët përgjegjës apo personat e tjerë. Zhbllokimi i dokumentacionit bëhet me urdhër të Titullarit të Institucionit.

4. Gjatë ushtrimit të detyrës punonjësit e Njësisë Përgjegjëse zbatojnë, për aq sa mund të jetë e mundur, të gjitha mjetet dhe mënyrat provuese të parashikuara në Kodin e Procedurave Administrative.

5. Në fund të kontrollit mbahet akt-kontrolli, i cili nënshkruhet nga punonjësit dhe zyrtarët përgjegjës apo personat drejtues në institucion. Në rast se këta të fundit nuk janë dakord me përmbajtjen e aktit, kanë të drejtë të bëjnë vërejtje dhe të paraqesin kundërshtime. Kopje të argumenteve dhe të dokumenteve kundërshtuese i bashkëlidhen aktit.

#### **Neni 14** **Përfundimi i hetimit administrativ**

1. Njësia Përgjegjëse përfundon hetimin administrativ në rast se:

- a) gjatë hetimit rezulton se sinjalizimi për veprimin ose praktikën e dyshuar të korruptionit është i bazuar. Në këtë rast, Njësia Përgjegjëse njofton menjëherë Prokurorinë ose Policinë e Shtetit apo organe të tjera përkatëse;
- b) sinjalizuesi nuk ka vepruar në kushtet e mirëbesimit, në zbatim të nenit 6 të ligjit nr. 60/2016.

2. Në dosjen e sinjalizimit shënohen vendimi për përfundimin e hetimit administrativ nga Njësitë përkatëse Përgjegjëse në UT, i cili është i arsyetuar për të gjitha shkaqet që kanë çuar në vendimmarrjen përkatëse, si dhe masat e marra në lidhje me sinjalizimin.

#### **KREU IV** **RUAJTJA E KONFIDENCIALITETIT DHE TË DHËNAVE PERSONALE**

##### **Neni 15** **Konfidencialiteti**

1. Gjatë procedurës së hetimit administrativ të sinjalizimit, identiteti i sinjalizuesit u bëhet i ditur personave të tretë, vetëm me pëlqimin e tij me shkrim.

2. Njësia Përgjegjëse duhet të ruajë në çdo kohë në mënyrë konfidenciale, informacionin e lidhur me sinjalizimin, duke mos e përhapur ose transmetuar tek persona të tretë, apo përdorur për qëllime të tjera, përvçese me pëlqimin me shkrim të sinjalizuesit ose për përbushjen e një detyrimi ligjor.

3. Njësia Përgjegjëse, në komunikimet me organizatën ku punon sinjalizuesi ose me çdo subjekt apo autoritet tjeter, privat ose shtetëror, respekton detyrimin e konfidencialitetit dhe ua komunikon informacionin e nevojshëm, vetëm personave të caktuar për hetimin administrativ ose për marrjen e masave për ndjekjen e fakteve të sinjalizuara, në kuadër të një marrëveshjeje konfidencialiteti mes palëve.

##### **Neni 16** **Mbrojtja e të dhënave personale**

1. Të dhënat personale të individëve të përfshirë në hetimin administrativ përpunohen vetëm për qëllim të ligjit nr. 60/2016. Në çdo rast, përpunimi i të dhënave personale kryhet sipas parimeve dhe procedurave të legjislacionit në fuqi për mbrojtjen e të dhënave personale.
2. Në rastet kur, në zbatimin e këtij ligji, konstatohet mosrespektim i legjislacionit për mbrojtjen e të dhënave personale, çështja i referohet Komisionerit për të Drejtën e Informimit dhe Mbrojtjen e të Dhënave Personale.

## **KREU V** **AFATI PËR PROCEDURËN E HETIMIT ADMINISTRATIV**

### **Neni 17** **Afati për vendimmarrjen**

1. Procedura e hetimit administrativ të sinjalizimit nga Njësia Përgjegjëse, përfundon sa më shpejt të jetë e mundur, por, në çdo rast, jo më vonë se 60 ditë nga data e fillimit të hetimit, përvçese kur nga rrethanat kërkohet një afat më i gjatë.
2. Shtyrja e afatit për hetimin administrativ bëhet me vendim të arsyeturar të titullarit të institucionit, duke përcaktuar edhe afatin e ri kohor të shtyrjes në përputhje me vështirësinë dhe kompleksitetin e çështjes.

## **PJESA II**

### **HETIMI ADMINISTRATIV I KËRKESËS SË SINJALIZUESIT PËR MBROJTJEN NGA HAKMARRJA**

## **KREU VI** **VEPRIMET PROCEDURALE**

### **Neni 18** **Kryerja e veprimeve procedurale**

1. Veprimet procedurale të Njësisë përgjegjëse, kryhen në përputhje me ligjin nr. 60/2016, këtë Regullore dhe për aq sa nuk parashikohet në to, sipas Kodit të Procedurave Administrative.
2. Njoftimet për veprimet procedurale, për të cilat Njësia përgjegjëse cakton afate, duhet të përbajnë paralajmërimin e shprehur mbi pasojat e mosrespektimit të afatit.

**Neni 19**  
**Mbrojtja nga hakmarrja**

1. Sinjalizuesi, i cili sinjalizon një veprim ose praktikë të dyshuar korruzioni, sipas ligjit nr. 60/2016, mbrohet ndaj çdo masë hakmarrëse të marrë ndaj tij nga organizata, duke përfshirë, por pa u kufizuar në to, si:

- a) shkarkimin nga puna;
- b) pezullimin nga puna, ose pezullimin nga një, ose më shumë detyra;
- c) transferimin brenda ose jashtë organizatës;
- d) uljen në detyrë;
- e) uljen e pagës dhe/ose të shpërblimeve financiare;
- f) humbjen e statusit dhe të privilegjeve;
- g) mosngritjen në detyrë;
- h) heqjen e së drejtës për të marrë pjesë në trajnime;
- i) vlerësime negative në marrëdhënien e punës;
- j) forma të tjera të hakmarrjes në lidhje me punën.

3. Çdo akt i hakmarrjes ndaj sinjalizuesit është i pavlefshëm.

3. Nëse sinjalizuesi dëshiron të vendoset në një strukturë tjeter të institucionit, për të mbrojtur veten nga reagime armiqësore në mjedisin e tij të punës, paraqet kërkesë me shkrim tek titullari i institucionit dhe një kopje e saj i dërgohet Njësisë përgjegjëse.

4. Organizata merr masat e arsyeshme dhe të përshtatshme për të lehtesar një lëvizje të tillë. Në rast të mos miratimit apo moskthimit të përgjigjes brenda 5 ditësh nga data e paraqitjes së saj, ILDKPKI, me kërkesë të sinjalizuesit, menjëherë i drejtohet organit kompetent, sipas legjisacionit në fuqi, për të urdhëruar autoritetin publik të marrë të gjitha masat, sipas këtij neni.

5. Nëse organi kompetent nuk merr masat e kërkua, ILDKPKI i drejtohet me kërkesëpadi gjykatës kompetente.

**KREU VII**  
**HETIMI ADMINISTRATIV**

**Neni 20**  
**Procedura e hetimit të kërkesës për mbrojtje**

1. Sinjalizuesi, i cili pretendon se është subjekt i një akti hakmarrjeje, fillimisht duhet të paraqesë kërkesë për mbrojtje tek Njësia Përgjegjëse, sipas Formularit Kërkesë Për Mbrojtje nga Hakmarrja.

2. Në rast kur në institucion nuk ka njësi përgjegjëse të caktuar, sinjalizuesi që pretendon se është subjekt i një akti hakmarrjeje, i drejtohet drejtpërdrejtë ILDKPKI-së.

3. Njësia Përgjegjëse merr menjëherë masat dhe në çdo rast, jo më vonë se 10 ditë nga paraqitja e kërkesës, vendos me akt të ndërmjetëm të arsyetuar për riparimin e pasojave të paligjshme nga akti i hakmarrjes. Në rast të shkeljes së këtij afati, kërkesa e sinjalizuesit paraqitet tek ILDKPKI, që vendos brenda 10 ditëve nga marrja e kërkesës për riparimin e pasojave të paligjshme të aktit të hakmarrjes.

4. Njësia Përgjegjëse, brenda 5 ditëve nga data e marrjes së një kërkese për mbrojtje nga hakmarrja, njofton me shkrim sinjalizuesin për regjistrimin e pretendimit dhe emrin e personit pranë saj, i cili do të ndjekë çështjen. Përbajtja e regjistrat të posaçëm për këtë qëllim, përcaktohet me urdhër të veçantë të titullarit të institucionit sipas formatit të miratuar nga ILDKPKI.

### **Neni 21** **Hetimi administrativ dhe barra e provës**

1. Njësia Përgjegjëse heton administrativisht pretendimet për hakmarrje, për të përcaktuar nëse ka shkaqe të arsyeshme për të besuar që ka ndodhur, është duke ndodhur, ose pritet të ndodhë një akt hakmarrjeje.

2. Njësia Përgjegjëse gjatë hetimit administrativ, i kërkon me shkresë organit/njësisë strukturore të provojë që masat e marra në dëm të sinjalizuesit janë bazuar në shkaqe të ndryshme dhe që nuk lidhen në mënyrë të drejtpërdrejtë ose të tërthortë me sinjalizimin. Organi/njësia strukturore ka barrën e provës në këtë proces dhe i përgjigjet Njësisë Përgjegjëse me shkrim brenda 10 ditëve nga data e marrjes së kërkesës.

### **Neni 22** **Bashkëpunimi**

1. Organi/njësia strukturore dhe sinjalizuesi bashkëpunojnë me Njësinë Përgjegjëse në përcaktimin e fakteve dhe rr Ethanave të nevojshme për zgjidhjen e çështjes së aktit të hakmarrjes ndaj sinjalizuesit. Organi/njësia strukturore është e detyruar të paraqesë informacione, prova, dokumente, deklarata apo për t'u paraqitur personalisht përpara Njësisë Përgjegjëse.

2. Organi/njësia strukturore paraqet me shkrim, çdo deklarim apo argument.

### **Neni 23** **Mjetet e kërkimit të provës dhe sigurimi i saj**

1. Gjatë hetimit administrativ, Njësia Përgjegjëse me qëllim përcaktimin e gjendjes së fakteve dhe rr Ethanave që kanë lidhje me çështjen mund:
  - a) të mbledhë deklarata nga palët, dëshmitarët dhe ekspertë;
  - b) të marrë dokumente dhe prova të tjera të dokumentuara nëpërmjet mjeteve fotografike, të regjistrimit ose mjeteve të tjera teknike;

- c) të vizitojë vende të caktuara.
2. Kur një provë, nga e cila varet zgjidhja e çështjes së aktit të hakmarrjes ose që ndikon në sqarimin e saj, ka rrezik të zhduket ose të vështirësohet ose bëhet e pamundur marrja e saj, Njësia Përgjegjëse, kryesisht apo me kërkesën e sinjalizuesit, mund të vendosë marrjen më parë të kësaj prove (sigurimi i provës).
3. Njësia Përgjegjëse që zhvillon procedurën administrative, mund të vendosë sigurimin e provës edhe përpara fillimit të procedurës administrative. Sigurimi i provës mund të bëhet edhe në çdo fazë të procedurës administrative. Përgjegjësia për sigurimin e provave, bie mbi Njësinë Përgjegjëse.

**Neni 24**  
**Njoftimi i sinjalizuesit**

1. Njësia Përgjegjëse njofton me shkrim sinjalizuesin brenda 10 ditëve nga data e marrjes së kërkesës për mbrojtje për statusin e hetimit administrativ të kësaj kërkesë dhe për çdo veprim procedural të ndërmarrë.
2. Pavarësisht nga afatet e njoftimit, Njësia Përgjegjëse është e detyruar t'i përgjigjet çdo kërkese për informacion me shkrim, paraqitur në çdo kohë nga sinjalizuesi në lidhje me kërkesën e tij.

**KREU VIII**  
**MASAT DHE AFATI PËR PROCEDURËN E HETIMIT**

**Neni 25**  
**Masat në përfundim të hetimit administrativ**


1. Nëse në përfundim të hetimit administrativ rezulton se është kryer një akt hakmarrjeje ndaj sinjalizuesit nga autoriteti publik, Njësia Përgjegjëse, i drejtohet me shkrim organit kompetent, sipas legjislacionit në fuqi, për të urdhëruar autoritetin publik për marrjen e të gjitha masave përiparimin e shkeljes së kryer.
2. Njësia Përgjegjëse parashikon në shkresë edhe rekomandimin konkret për llojin e masës që duhet të merret.

**Neni 26**  
**Afati i përfundimit të hetimit administrativ**

Procedura e hetimit administrativ të kërkesës për mbrojtje nga hakmarrja përfundon sa më shpejt të jetë e mundur dhe në çdo rast jo më vonë se 60 ditë nga data e regjistrimit të kërkesës.

**Neni 27**

Kjo rregullore hyn në fuqi pas miratimit nga Senati Akademik i Universitetit të Tiranës.



**FORMULAR I SINJALIZIMIT TË BRENDSHËM**  
**“TË NJË VEPRIMI OSE PRAKTIKE TË DYSHUAR KORRUPSIONI”**

*DREJTUAR:Njësisë Përgjegjëse të caktuar në zbatim të ligjit nr. 60/2016 “Për sinjalizimin dhe mbrojtjen e sinjalizuesve”*

1-Unë sinjalizuesi \_\_\_\_\_, lindur më \_\_\_\_\_, vendlindja \_\_\_\_\_, banues në adresën: \_\_\_\_\_ dhe me kontakte \_\_\_\_\_, me detyrën e \_\_\_\_\_ në \_\_\_\_\_, paraqes sinjalizimin si më poshtë vijon:

---

---

---

2-Unë sinjalizuesi zgjedh të mbetem anonim duke shpjeguar qartë dhe në mënyrë të arsyetur shkaqet e anonimatisit si më poshtë:

---

---

---

paraqes sinjalizimin si më poshtë vijon:

---

---

---

Bashkëlidhur këtij sinjalizimi, provat përkatëse që paraqes janë si më poshtë:

---

---

---

Nuk kam prova përkatëse, por ato mund të gjenden \_\_\_\_\_

Për këto arsyen, kam dyshime për ekzistencën e një fakti që përbën veprën penale të parashikuar nga neni \_\_\_\_\_ i Kodit Penal (nëse është e mundur ta përcaktoni një gjë të tillë.)

Ky formular sinjalizimi u mor në dorëzim më /\_\_\_\_\_/\_\_\_\_\_, në \_\_\_\_\_ nga \_\_\_\_\_, punonjës i Njësisë përgjegjëse në \_\_\_\_\_.

Sinjalizuesi  
Emër Mbiemër

Njësia përgjegjëse  
I-Emër Mbiemër

**FORMULAR I SINJALIZIMIT TË JASHTËM**  
**“TË NJË VEPRIMI OSE PRAKTIKE TË DYSHUAR KORRUPSIONI”**

*DREJTUAR: Inspektoratit të Lartë të Deklarimit dhe Kontrollit të Pasurive dhe Konfliktit të Interesave në zbatim të ligjit nr. 60/2016 “Për sinjalizimin dhe mbrojtjen e sinjalizuesve*

1-Unë sinjalizuesi \_\_\_\_\_, lindur më \_\_\_\_\_, vendlindja \_\_\_\_\_, banues në adresën: \_\_\_\_\_ dhe me kontakte \_\_\_\_\_, me detyrën e \_\_\_\_\_ në \_\_\_\_\_, paraqes sinjalizimin si më poshtë vijon:

---

---

---

2-Unë sinjalizuesi zgjedh të mbetem anonim duke shpjeguar qartë dhe në mënyrë të arsyetuar shkaqet e anonimatit si më poshtë:

---

---

---

Paraqes këtë sinjalizim në ILDKPKI , për arsy se :

1- \_\_\_\_\_ nuk ka Njësi përgjegjëse në zbatim të ligjit nr. 60/2016.

dhe paraqes sinjalizimin si më poshtë:

---

---

---

2- Njësia përgjegjëse në \_\_\_\_\_ për sinjalizimin e paraqitur më datë \_\_\_\_\_ (bashkëlidhur formulari i sinjalizimit të bërë), pranë njësisë;

nuk filloj hetimin administrativ ose e përfundoj atë në kundërshtim me ligjin nr. 60/2016.

zoti/zonja \_\_\_\_\_ që pret sinjalizimin ose zoti/zonja \_\_\_\_\_ janë përfshirë ose kanë një interes të drejtpërdrejtë ose jo të drejtpërdrejtë personal ose material me objektin e sinjalizimit sepse \_\_\_\_\_

Dyshoj në integritetin dhe paanshmërinë e Njësisë përgjegjëse për shkak sepse \_\_\_\_\_

Prova \_\_\_\_\_ e këtij sinjalizimi që gjendet në \_\_\_\_\_ fshihet apo shkatërohet nga \_\_\_\_\_

Bashkëlidhur këtij sinjalizimi, provat përkatëse që paraqes janë si më poshtë:

---

---

---

Nuk kam prova përkatëse, por ato mund të gjenden \_\_\_\_\_

Për këto arsy, kam dyshime për ekzistencën e një fakti që përbën veprën penale të parashikuar nga neni \_\_\_\_\_ i Kodit Penal (*nëse është e mundur ta përcaktoni një gjë të tillë.*)

Ky formular sinjalizimi u mor në dorëzim më /\_\_\_\_\_/\_\_\_\_\_, në \_\_\_\_\_ nga \_\_\_\_\_, Inspektor në ILDPKI.

Sinjalizuesi  
Emër Mbiemër

Inspektor  
Emër Mbiemër

**FORMULAR KËRKESË PËR MBROJTJE NGA HAKMARRJA**  
(në zbatim të ligjit nr. 60/2016 "Për sinjalizimin dhe mbrojtjen e sinjalizuesit")

1-Unë sinjalizuesi \_\_\_\_\_, lindur më \_\_\_, vendlindja \_\_\_, banues në adresën: \_\_\_\_\_ dhe me kontakte \_\_\_\_\_, me detyrën e \_\_\_\_\_ në \_\_\_\_\_, kam paraqitur sinjalizimin në:

a) \_\_\_\_\_, pranë Njësisë përgjegjëse

b)ILDKPKI

(*Bashkëlidhur formulari i sinjalizimit të bërë*)

2-Për shkak të këtij sinjalizimi, pretendoj se jam subjekt i një akti hakmarrjeje të marrë ndaj meje si më poshtë:

Me \_\_\_\_\_ në \_\_\_\_\_

Organizatën \_\_\_\_\_

për shkak se ndaj meje është marrë masa e \_\_\_\_\_  
(*bashkëlidhur nëse keni akt shkresor për këtë gjë ose tregoni ku gjendet ai*).

Në këto kushte mbështetur në nenin 18 dhe 19 të ligjit nr. 60/2016 "Për sinjalizimin dhe mbrojtjen e sinjalizuesve" paraqes kërkësën për mbrojtjen nga akti i hakmarrjes ndaj meje, pranë;

1.Njësisë përgjegjëse në \_\_\_\_\_.

2-ILDKPKI, për shkak se;

- a) Nuk ka Njësi përgjegjëse në \_\_\_\_\_
- b) Njesia përgjegjëse nuk ka marrë masat brenda afatit ligjor 10 ditor, nga paraqitja e kërkësës për mbrojtje nga sinjalizuesi.(*Bashkëlidhur kërkesa për mbrojtje e paraqitur tek njësia përgjegjëse*).

1-Ky formular kërkësë për mbrojtje nga hakmarrja, u mor në dorëzim më /\_\_\_\_\_/\_\_\_\_ nga \_\_\_\_\_, punonjës i njësisë përgjegjëse në \_\_\_\_\_

Sinjalizuesi  
Emër Mbiemër

Njësia përgjegjëse  
1-Emër Mbiemër

2-Ky formular kërkësë për mbrojtje nga hakmarrja u mor në dorëzim më /\_\_\_\_\_/\_\_\_\_, në \_\_\_\_\_ nga \_\_\_\_\_, Inspektor në ILDKPKI.

Sinjalizuesi  
Emër Mbiemër

Inspektor  
Emër Mbiemër